

Муфтий ҳазратлари бошчилигидаги уламолар «Шайх Мұхаммад Содиқ Мұхаммад Юсуф» жоме масжидига ташриф буюрдилар



21:21 / 29.06.2021 1093

Бугун Ўзбекистон мусулмонлари идораси раиси, муфтий Усмонхон Алимов ҳазратлари ҳамда Тошкент шаҳар бош имом-хатиби Нуриддин домла Холиқназаров пойтахтдаги Шайх Мұхаммад Содиқ Мұхаммад Юсуф жоме масжидига ташриф буюрдилар.







Муфтий ҳазратлари намозхонларга мамлакатимизда диний-маърифий соҳалардаги ислоҳотлар ҳақида тўхтадилар.



- Бугуннинг ўзида, - деди муфтий ҳазратлари, - Тошкент вилоятида қурилаётган “Хўжакент” масжидини бориб кўрдик. Шунингдек, айни пайтда юртимизда кўплаб масжидлар қайта қуриляпти. Қувонарлиси, айрим масжидлар йўл бўйига яқин жойга кўчириляпти. Бунга мисол тариқасида Оҳангарон туманидаги иккита масжидни келтириш мумкин.

Сұхбатдан сүнг масжиди ноиб имоми Ҳасанхон қори бошчилигіда Қуръони карим ҳамда Абу Исо Термизийнинг “Шамоили Мұхаммадия” китоби хатм қилинибди. Муфтий ҳазратлари хатм дуоларини қилиб бердилар.

Аллоҳ таоло дуоларимизни қабул айласин!